

ओ जी म्हारा नटवर नागरिया भगता के क्यों नही आयो रे



ओ जी म्हारा नटवर नागरिया,
भगता के क्यों नही आयो रे,
भगता के क्यों नही आयो रे,
संता के क्यों नही आयो रे,
ओ जी म्हारा नटवर नागरिया,
भगता के क्यों नही आयो रे।

धन्ना भगत की भगति पुरबली,
वा को खेत निपजायो रे,
बाया टुंबड़ा निपज्या मोती,
बिना बीज निपजायो रे,
ओ जी म्हारा नटवर नागरिया,
भगता के क्यों नही आयो रे।

नामदेव कई नानो जी लागे,
वाको छपरो छाया रे,
मार मंदासो छावन लाग्यो,
लक्ष्मी बंध खिचायो रे,
ओ जी म्हारा नटवर नागरिया,
भगता के क्यों नही आयो रे।

सेन भगत कई ससुरो जी लागे,
वाको कारज सारयो रे,
लेर रसोनि नाइ बणग्यो,
नृप को शीस सवारियों रे,
ओ जी म्हारा नटवर नागरिया,
भगता के क्यों नही आयो रे।

कबीर कई थारे काको लागे,
वा गर बालद लायो रे,
खांड खोपरा गिरी छुहारा,
आप लदावन लायो रे,

समस्त भजनों के लिरिक्स और विडियो बिना इन्टरनेट के भी अपने मोबाइल में देखने के लिए गूगल प्ले स्टोर या एप्पल एप्प स्टोर से 'भजन डायरी एप्प' जरूर इनस्टॉल करे। वेबसाइट - <https://www.bhajandiary.com>



ओ जी म्हारां नटवर नागरिया,
भगता के क्यों नही आयो रे।bd।

मीरा कई थारे मासी लागे,
वाका दुखड़ा टालया रे,
रानो जी विष का प्याला भेज्या,
विष अमृत बनायो रे,
ओ जी म्हारां नटवर नागरिया,
भगता के क्यों नही आयो रे।bd।

भीलन कई थारे भुवा लागे,
वाको जुठो खायो रे,
उच नीच की काण न मानी,
रुच रुच भोग लगायो रे,
ओ जी म्हारां नटवर नागरिया,
भगता के क्यों नही आयो रे।bd।

कर्मा कई थारे काकी लागे,
वाको खीचड़ खायो रे,
धबलिया रो पर्दों कीन्हो,
रुच रुच भोग लगायो रे,
ओ जी म्हारां नटवर नागरिया,
भगता के क्यों नही आयो रे।bd।

पेली तो थे आता कान्हा,
फिर फिर करता काम रे,
नानी बाई को मायरो भरता,
गर का लागे दाम रे,
ओ जी म्हारां नटवर नागरिया,
भगता के क्यों नही आयो रे।bd।

कहे नर्सिलो सुनो जी सावरिया,
आनो व्हे तो आओ रे,
ब्याई सागा में भुंडा लागा,
यू कई लाज गमावो रे,
ओ जी म्हारां नटवर नागरिया,

समस्त भजनों के लिरिक्स और विडियो बिना इन्टरनेट के भी अपने मोबाइल में देखने के लिए गूगल प्ले स्टोर या एप्पल
एप्प स्टोर से 'भजन डायरी एप्प' जरूर इनस्टॉल करे। वेबसाइट - <https://www.bhajandiary.com>



टेर सुनी नरसी की कान्हो,
राधा रूखमण लायो रे,
भोला भगत की लाज बचबा ने,
दौड़ दौड़ यो आयो रे,
ओ जी म्हारा नटवर नागरिया,
भगता के क्यों नहीं आयो रे।bd।

ओ जी म्हारा नटवर नागरिया,
भगता के क्यों नहीं आयो रे,
भगता के क्यों नहीं आयो रे,
संता के क्यों नहीं आयो रे,
ओ जी म्हारा नटवर नागरिया,
भगता के क्यों नहीं आयो रे।bd।

गायक – भैरव शंकर महाराज जोरावरपुरा ।

प्रेषक – भैरु शंकर शर्मा ।

चारभुजा साउंड सिस्टम जोरावरपुरा ।

संपर्क – 9460405693